

太原府志卷三十五

人物二

唐

王璵字叔玠祁縣人僧辨之孫也父顓北齊樂陵郡太守
居郿璵性沈澹志量隱正恬於所遇交不苟合隋嗣皇
十三年召入秘書內省讎定群書為太常治禮部季父
頰无所器許高祖入閤李綱荐署世子府諮議叅軍事
尋授中舍人遷中允禮遇良厚建成與秦王有隙上責
璵不能輔導流寓州建成敗太宗召為諫議大夫雅誠
納善每存規益上益任之封永寧縣男黃門侍郎遷侍
中他日進見有美人侍側上指之曰此廬江王瑛賊其
夫而納其室者也璵避席曰陛下以廬江為是邪非邪

上曰殺人而取妻乃問朕是非何也對曰昔齊桓公問郭
父老曰郭何故亡曰以其善善而惡惡也公曰此乃
賢君也何至於亡父老曰郭君善善不能用惡惡不能
去所以亡今陛下知廬江之亡其姬尚在所謂知惡而
不去也上嗟美其言太常少卿祖孝孫黻被讓珪與溫
彥博同進曰孝孫修謹士今使教女樂不責譙之天下
其以士為輕乎上怒曰卿皆我腹心乃附下同下為人
游說邪彥博懼謝罪珪不謝曰臣本事前宮罪當死陛下
下矜其性命引置樞密責以忠效今疑臣以私是陛下
負臣臣不負陛下上默然明日語房元齡曰朕昨責珪
等痛自悔公等勿怨是不進諫也時珪與元齡李靖溫
彥博戴胄魏徵同輔政上謂珪曰卿標鑒通悟為朕言

元齡等材且自謂孰與諸子賢歸曰狻狻奉國雖無不
為臣不如元齡兼資文武出將入相臣不如靖敷奏詳
明出納惟允臣不如彥博理繁治劇眾務畢舉臣不如
胄以諫諍為心恥君不及堯舜臣不如徵至激濁揚清
疾惡好善臣於數子有一日之長上稱善而无齡等亦
以為盡己所長謂之雄論進封郡公坐漏語除州同刺
史俄召拜禮部尚書兼魏王秦師王嘗先拜珪亦以師
自居勉以忠孝上聞喜曰兒可以無過矣子敬直尚南
平公主時諸主下嫁未嘗行見舅姑禮珪曰吾當受公
玉謁見豈為身榮將以成國家之美於是與夫人坐堂
上主執笄盥饋乃退其後公主備婦禮本於珪十三年
病卒年六十九贈吏部尚書諡曰懿敬直封南城縣男

生交太子承乾徙嶺外珪孫燾見孝義傳

溫大雅字彥宏并州祁人父君攸北齊文林館學士入隋
為泗州司馬隋政亂謝病歸大雅性至孝與弟彥博大
有皆知名薛道衡見之歎曰三人者皆卿相才也初為
東宮學士長安尉父喪歸不復仕高祖鎮太原厚禮之
兵興引為大將軍府記室參軍主文檄唐初討定儀典
遷黃門侍郎而彥博亦為中書侍郎對管華近上嘗從
容謂曰我起晉陽為卿一門耳進工部侍郎陝東道大
行臺尚書秦王表鎮洛陽王即位轉禮部封國黎公平
諡曰孝永徽五年贈尚書右僕射

溫彥博字大臨大雅之弟也通書記警悟而辨開皇末對
策高第授文林郎直內史省幽州總管羅藝引為司馬

藝以州降唐授總管府長史封高州縣令為陳肅
舍人遷侍郎高麗貢方物高祖欲讓而不臣彥博曰遼
東本周箕子國漢元菟郡不使北面則四夷何所瞻仰
納之突厥入以并州道行軍長史戰太谷師敗被執突
厥數問唐兵多少及國虛實彥博不肯對因陰山苦寒
地太宗初得還授雍州治中尋檢校吏部侍郎遷御史
大夫檢校中書侍郎事貞觀四年遷中書令封虞國公
彥博善辭令每問四方風俗臚布詰命若成誦然進止
詳華人皆拭目觀高祖嘗宴近臣遣秦王諭旨既而顧
曰何如溫彥博十年遷尚書右僕射明年辛年六十三
彥博性周慎既掌機務謝賓客進見必陳政事利害卒
後上歎曰彥博以憂國故耗思殫神我見其不逮再期

矣恨不許少間以究其壽家貧無正寢瑯別室命有司
為構寢贈特進謚曰恭陪葬昭陵子振挺振見孝義傳
挺尚千金公主官廷州刺史彥博曾孫熾尚涼國長公
主

溫大有字彥將彥博之弟也隋仁壽中李綱荐之授羽林
騎尉高祖引為太原令從徇西河高祖曰士馬單少要
須經畧以君忝軍事事之濟否卜是行也西河下攝大
將軍府記室與兄大雅同掌機迎請徙他職上曰我虛
心待卿何所自疑武德初累遷中書侍郎封清河郡公
年贈鴻臚卿謚曰敬

唐儉字茂約并州晉陽人邕之孫也父鑿隋戎州刺史膏
偕高祖典軍衛故儉雅善秦王儉爽邁事親以孝聞隋

政亂陰說秦王建大計又進說持高祖及大將軍府開
授託室參軍渭北道元帥司馬從定關中為相國府記
室晉昌郡公武德功進內史舍人遷中書侍郎散騎常
侍以使為劉武周所擒儉密遣劉世讓歸白發蒲守獨
孤懷恩反謀會高祖幸蒲津舟及中流而世讓至上驚
曰豈非天也命趨還舟捕反者懷恩自殺俄而武周敗
亡儉封府庫籍兵甲以待秦王上嘉儉身雖幽辱而不
忘朝廷詔復舊官仍為并州道安撫大使還為禮部尚
書天策府長史檢校黃門侍郎莒國公仍為遂州都督
貞觀初使突厥四年復馳傳往誘使歸疑頡利許之兵
懈弛李靖因襲破之儉脫身還歲餘為民部尚書從獵
洛陽苑上射四發輒墮四豕一豕躍及鎧儉投馬搏之

諫曰陛下神武定四方豈復快心於一獸上為罷獵詔
其子善識尚豫章公主坐小法貶先祿大夫永徽初致
仕加特進顯慶初卒年七十八贈開府儀同三司并州
都督陪葬昭陵謚曰襄少子觀為河西令知名孫從心
神龍中擢殿中監

唐憲字茂彞儉弟仕隋東宮左勳衛罷歸高祖頗親遇之
參與大議義師起授正議大夫置左右封安富縣公武
德中累進雲麾將軍加郡公貞觀中終金紫光祿大夫
唐次字文編憲裔孫建中初及進士第歷侍御史竇參數
荐之改禮部員外郎參貶出為開州刺史十年不遷年
臯鎮蜀表為副使德宗諭臯罷之次自以身遠朝廷采
古忠臣賢士罹讒被放者為辨諍畧三篇上之帝益怒

改夔州刺史憲宗立館選搜禮部郎中知制誥終中書
舍人憲宗嘗覽辨謗畧善之謂學士沈傳師曰凡君人
者所宜觀省然次編錄未盡卿可廣其書傳師等增為
十篇更號元和辨謗畧

唐扶字雲翔次子歷侍御史屯田郎中太和五年為山南
宣撫使內鄉倉督鄧琬度支潛未責繫二十八年父負
子至孫凡九人死於獄扶奏申釋之詔切責鹽鐵度支
二使天下逋繫三年以上者皆原進中書舍人出為福
州觀察使

唐持字德守扶弟中進士第太和中為渭南尉試京兆府
進士尹杜棕欲以親故託之持輒降階伏棕語塞乃止
累遷工部郎中出為容州刺史遷給事中歷朔方昭義

節度使卒

劉義節本名世龍并州人隋大業末補晉陽鄉長富於財
裴寂荐之唐公又與王威高君雅遊然於唐公最厚兵
將起威君雅疑之義節刺知其情得先事搆威等從平
關中為鴻臚卿遷太府封葛國公高祖賜今名太宗定
功臣封義節六百戶貞觀初轉少府坐事徙嶺南

趙文恪并州人為隋鷹揚府司馬義兵起授右三統軍武
德二年擢都水監封新興郡公論太原首功與長孫順
德等十四年俱怒一死會詔文恪至并州市馬齊王使
率步騎千餘助李仲文守涪州劉武周兵至棄城下獄
卒

許世緒并州人隋鷹揚府司馬親於唐公兵起授右一府

司馬累除蔡州刺史封真定郡公辛

許洛仁世緒弟亦從起晉陽錄功至冠軍大將軍卒贈代

州都督謚曰勇陪葬昭陵

秦行師并州人右監門將軍清水郡公定功封三百戶

龐卿暉并州人從討隱太子有功拜右驍衛將軍邦國公

定功封四百戶卒追改濮國子同善右金吾大將軍同

善子承宗開元初太子賓客

辛異本衛人隋文帝時避仇從榆次大姓鞠氏見而奇之

妻以女致貲累萬值大業末人飢異出穀數千賑施邑

中其妻謂曰天下方亂丈夫不因時取功名乃安坐鄉

里乎異曰吾心也顧未見可適者乃去謁楊元感決其

無成復歸太原後從唐高祖起義兵軍用不足異毀產

以資行師武德中累勅為千牛衛將軍突厥為邊患以
異為夏州刺史禦之有惠政遷雲中都督卒

王方翼字仲翔并州祁人祖禡尚同安大長公王官開府
儀同三司卒謚曰文方翼早孤哀毀如成人時號孝童
母李為主所斥居鳳泉墅方翼尚幼雜庸保執苦主薨
遷京太宗擢右千牛高宗立后為方翼從祖女弟調安
定令居母喪哀瘡甚上遣侍醫療視其友趙持滿誅戶
諸市方翼往哭其尸具禮收葬塗吾初繫上嘉之不罪
再遷肅州刺史州無隄漸方翼發卒建棲堞引水自環
烽邏精明儀鳳間蝗獨不至境他郡民皆重繭走治下
乃出私錢作水碓薄其贏以濟飢瘡構舍數十百楹居
之全活甚眾芝產其地裴行儉討遮旬奏為副兼檢校

安西都護築碑葉城面三門紆遠多趣以詭出入五旬
畢西域人縱觀莫測其方畧悉獻珍貨徙庭州刺史以
杜懷寶鎮安西失蕃戎和永淳初十姓阿史那車薄噉
叛圍弓月城方翼引軍戰伊麗河敗之斬首千級俄而
三姓咽麴兵十萬踵至方翼次熱海進戰大著臂外佩
刀斷去左右莫知所部謀執方翼為內應方翼悉召會
軍中厚賜以次出壁外縛誅之即遣騎分道襲咽麴等
皆驚潰擒首領突騎施等三百人西域平以功遷夏州
都督明年召見奉天宮具對熱海苦戰狀視其創上咨
嗟久之賜賚良厚妖人白鐵余反綏州方翼討平之封
太原郡公阿史那元珍入寇時庫無完鎧方翼斷六版
畫虎文鉤聯解合賊馬忽見奔駭遂敗獲大將二因降

桑乾舍利二部武后時以王后屬流崖州卒於道年六
十三神龍初復官爵方翼善書與魏叔琬齊名子三人
璵珣璿見文苑傳

狄仁傑字懷英并州太原人祖孝緒貞觀中尚書左丞父
知遜夔州長史仁傑為兒時門人有被事者吏就結衆
爭辨仁傑誦書不置吏讓之答曰黃卷中方興聖賢對
何暇偶俗吏語和舉明經調汴州參軍閻立本荐授并
州法曹參軍親在河陽仁傑登太行反顧見白雲孤飛
謂左右曰吾親舍其下停立久之雲移乃去同府參軍
鄭崇質母老且疾當使絕域仁傑詣長史簡仁基請代
行仁基時方與司馬李孝廉不平相語曰吾等可少媿
矣則相待如初每白狄公之賢北斗以南一人而已稍

遷大理寺丞歲中斷久獄萬七千八時極平恕尋授侍
御史遷度支郎中出為寧州刺史入拜冬官侍郎持節
江南安撫使禁止淫詞凡毀千七百所唯留夏禹吳泰
伯季札伍員四祠而已轉文昌右丞出為豫州刺史天
授二年以地官侍郎同鳳閣鸞台平章事為未後臣誣
搆下獄時一問即承者例得減死後臣逼脅使承仁傑
歎曰大周革命萬物維新唐朝舊臣甘從誅戮反是實
俊臣乃少寬之其屬王德壽以情謂曰我意求少還公
為我引楊執柔為黨公且免死仁傑曰皇天后土使仁
傑為此乎以首觸柱血流沫面德壽懼而謝守者寢弛
乃書帛置褚衣中付家子光遠得書上變后以問俊臣
俊臣曰仁傑不免冠帶寢處甚安何由伏罪后遣使索

視後臣遽命仁傑巾帶而見使者且令德壽代作謝死
表后乃召見仁傑謂曰承反何也對曰不承死答掠矣
示其表曰無之后知其代署也因免死時同被誣者鳳
閣侍郎任知古等七族悉得貸仁傑貶彭澤令邑人為
置生祠萬歲通天中擢為魏州刺史轉幽州都督賜紫
袍龜帶后自製金字十二於袍以旌其忠召拜鸞台侍
郎復同平章事時發兵戍疏勒仁傑上疏諫又請廢安
東復高氏為君省江南轉饗不納張易之嘗從容問自
安計仁傑曰惟勸迎廬陵王可以免禍會后欲以武三
思為太子以問宰相聚莫敢對仁傑曰目觀天人未厭
唐德比寇犯邊使梁王三思募勇士於市踰月不及千
人廬陵王代之不浹日輒五萬今欲繼統非廬陵王莫

可后怒罷議久之召譚曰朕親憂勞天下傳之子孫先帝詔陛下監國陛下
夙夜勤勞而有天下傳之子孫先帝詔陛下監國陛下
掩神器而取之十有餘年又欲以三思為後且姑姪與
子母孰親陛下立廬陵王則千秋萬歲後常享宗廟三
思立廟不祔姑后感悟即日遣徐彥伯迎廬陵王於房
州王至后匿帳中召見仁傑語廬陵事仁傑敷秦切至
涕下不能正后乃使王出曰還爾太子仁傑降拜頓首
曰太子歸未有知者人言紛紛何所信后乃更令太子
舍龍門具禮迎中外大悅尋拜納言兼肅政御史大夫
突厥入詔仁傑為河北道行軍元帥總兵十萬追之
不及更拜河北安撫大使時民多脅從於寇懼誅逃匿